

Mestrado en *Lingüística aplicada*

Curso académico 2018-2019

CALENDARIO, PAUTAS DE REDACCIÓN E DE PRESENTACIÓN DO TRABALLO FIN DE MESTRADO (6 CRÉDITOS)

1. Presentación xeral

O traballo fin de mestrado (TFM) pretende iniciar o/a estudante na metodoloxía da investigación para que poida formular e realizar con éxito unha investigación lingüística de carácter aplicado; así como defendela oralmente ante a comunidade académica. O TFM outorga 6 créditos ECTS. Os seus principais obxectivos formativos son:

- **Deseñar** unha investigación (acoutar o tema, solicitar información e buscar os recursos necesarios).
- **Aplicar** unha metodoloxía adecuada ao obxecto de estudo (para solicitar datos, analízalos e interpretalos).
- **Extraer** conclusións dos resultados obtidos e abrir perspectivas para novas investigacións.
- **Adaptar** o discurso escrito á situación académica, tanto no que respecta ao estilo e á estruturación como ao uso de técnicas tipográficas.
- **Adaptar** o discurso oral á situación de defensa do TFM.

2. Elección do tema e do director do traballo

Para a elección do tema e do director ou directora, o/a estudante poderá consultar a listaxe de profesorado do mestrado e a oferta de liñas de traballo que está publicada na web do mestrado e na web dos centros. O alumnado definirá un tema concreto dentro dalgunha das liñas ofertadas.

3. Solicitude de inscrición do tema e da dirección

A efectos de inscrición do traballo, e unha vez seleccionado o tema, o alumnado presentará, no rexistro da Facultade, unha instancia (segundo o modelo recollido no anexo I) dirixida ao coordinador ou coordinadora do mestrado co visto e prace do profesorado titor/orientador.

A coordinación do mestrado fará as xestións oportunas para que conste na Xestión Académica a atribución do traballo ao director ou directora. A partir dese momento, non se poderá realizar ningún cambio de director(a) sen a autorización expresa da Comisión Académica do mestrado.

4. Calendario

- Do 18/10/2018 a 18/11/2018: contactos entre o estudiantado e o potencial ou potenciais directores/as.
- Do 19/11/2018 ao 23/11/2018: envío á Comisión Académica do mestrado da solicitude de liña de TFM (anexo 1).

- Do 26/11/2018 ao 30/11/2018: adxudicación provisoria de liñas de traballo por parte da Comisión Académica do mestrado.
- Do 3/12/2018 ao 14/12/2018: adxudicación definitiva por parte da Comisión Académica do mestrado.

Observacións:

- A matrícula dá dereito a dúas oportunidades para a entrega e defensa do TFM. A primeira oportunidade será no mes de xuño e a segunda, en xullo. Tamén hai a opción de febreiro para aqueles/as estudantes que teñan pendentes o TFM de cursos anteriores.
- As datas de entrega e defensa serán establecidas por cada unha das Facultades.
- A defensa sempre estará condicionada a que estean superados todos os créditos necesarios.

5. Redacción do traballo fin de mestrado

Aínda que é obvio que a estrutura do TFM depende en gran medida do tema elixido, aconséllase que inclúa os seguintes apartados:

1. Capa que incluírá, obrigatoriamente, o emblema e o nome das tres Universidades, o nome da Facultade na que está matriculada o/a alumno/a, o nome do mestrado, o título do traballo, o nome do autor ou autora, o visto e prace manuscrito do profesorado titor co seu nome e o ano de presentación
2. Índice do traballo con paxinación
3. Resumo do traballo
4. Introducción, que deberá incluír os obxectivos do traballo e a explicación e a xustificación da metodoloxía utilizada
5. Corpo do traballo
6. Conclusións
7. Referencias bibliográficas

O traballo fin de mestrado terá unha extensión mínima de 40 páxinas e máxima de 60, sen contar os anexos. O texto terá un espazo de interliñado de 1.5 e o tamaño da letra será de 12 puntos.

IMPORTANTE: Calquera plaxio identificado será motivo de descualificación do TFM. Entenderase por plaxio calquera cita literal (curta ou longa) presentada como propia (sen comiñas, etc.) e sen referencia da autoría, calquera apropiación das ideas ou metodoloxía dun autor ou autora que non se mencione nas referencias (sexo quen sexo: autor/a individual ou colectivo, dunha publicación impresa ou dun documento electrónico ou de uso restrinxido, páxina web, ou traballo que se está a levar a cabo por parte dun compañeiro ou compañeira, etc.).

6. Criterios de avaliación do TFM

A Comisión Avaliadora terá en conta os seguintes criterios:

- O rigor científico e metodolóxico da investigación presentada
- A fundamentación teórica do traballo
- A capacidade crítica do estudantado sobre a investigación
- A presentación escrita do TFM
- A defensa oral do traballo

7. Composición da Comisión Avaliadora

A defensa oral do TFM realizarase ante unha Comisión Avaliadora formada por tres persoas. Delas, dúas serán necesariamente profesores doutores con vinculación permanente á Universidade; a de maior categoría e antigüidade presidirá a Comisión e a de menor actuará como secretaria. A condición de profesor/a titor/a de traballos fin de mestrado é incompatible coa de membro da Comisión avaliadora dos traballos que dirixa. Cada ano actuarán cando menos tres comisións, unha para cada campus. A Comisión Académica do mestrado propondrá anualmente os cinco membros de cada unha das tres comisións (tres titulares e dous suplentes), e comunicarllo ao/á decano/a ou á Comisión de Organización Académica da Facultade correspondente, que será a que se encargue da súa designación.

8. Proceso de avaliación

O traballo só poderá ser presentado, defendido e avaliado se o/a alumno/a tiver superado os créditos restantes para a obtención do título. A avaliación dos TFM realizarase do seguinte xeito:

- a) Entregaranse no rexistro da Facultade, cunha antelación mínima de 10 días naturais á data establecida para a defensa pública, tres exemplares en papel, encadernados e foliados, e un en formato electrónico.
- b) O director ou directora do traballo entregará na Secretaría do Decanato, nos tres días seguintes á entrega de documentación, un informe sobre o traballo (anexo II).
- c) O presidente da Comisión Avaliadora remitirá copia do informe aos membros da Comisión.
- d) O presidente da Comisión realizará, tendo en conta a opinión dos restantes membros, a convocatoria da defensa pública.

9. Defensa oral do TFM

O/a estudante disporá de 15-20 minutos para presentar o seu traballo. Recoméndase que inclúa na súa presentación os aspectos seguintes:

- *Introdución*: problemática obxecto de estudo e seu interese
- *Fundamentación teórica*: delimitación dos conceptos que fundamentan o desenvolvemento do traballo.
- *Fundamentación metodolóxica*: metodoloxía que se seguiu para o alcance dos obxectivos definidos, e os datos obtidos mediante a súa aplicación
- *Resultados*: principais resultados obtidos

É aconsellable que o/a estudante acompañe a súa presentación oral de material de soporte visual, auditivo, etc., por exemplo, mediante unha presentación PowerPoint ou OpenOffice Impress, pero a presentación oral NON pode constituír a mera lectura de devandito material.

Os membros da comisión avaliadora presentarán no tempo que estimen oportuno os seus comentarios e preguntas, as cales deberá contestar o/a estudante. A cualificación final outorgada por cada membro da Comisión ao TFM obterase de acordo coa seguinte ponderación:

- a) Traballo escrito (CT) = 80 %
- b) Presentación oral (PO) = 20 %

A cualificación final será a media das cualificacións otorgadas polos membros da comisión.

0-4,9 Suspenso (SS)
5.0-6.9 Aprobado (AP)
7.0-8.9 Notable (NT)
9.0-10 Sobresaliente (SB)

Matrícula = o traballo máis destacado de entre os que tiveron cualificación de Sobresaliente.

Sobresaliente = realización excelente con só pequenos erros.

Notable = realización por riba da media, pero con algúns erros.

Aprobado = satisfactorio, pero con deficiencias significativas (cumpre os criterios mínimos para a concesión de créditos necesarios para a obtención do título).

Suspenso = require de máis traballo para a concesión dos créditos.

ANEXO I**SOLICITUDE DE DEFENSA E AVALIACIÓN DO TRABALLO DE FIN DE MESTRADO**

DATOS PERSOAIS			
APELIDOS:			
NOME:		NIF:	
ENDEREZO:			
POBOACIÓN:		CÓDIGO POSTAL:	
TELÉFONO:		E-MAIL:	
MESTRADO UNIVERSITARIO:			
ESPECIALIDADE:			
LIÑA DE TRABALLO:			
TÍTULO DO TRABALLO:			
DIRECTOR/A:			
OBSERVACIÓNS:			

_____ de _____ de 20_____

Asdo.: _____

Visto e prace do/a director/a

Asdo.: _____

SR/A. COORDINADOR/A DO MESTRADO UNIVERSITARIO EN _____

ANEXO II

INFORME DO/A PROFESOR/A ORIENTADOR/A DO TRABALLO FIN DE MESTRADO

Mestrado Universitario en _____

Alumno/a

Liña de traballo

Título do traballo

Valoración Excelente Moi boa Boa Regular Deficiente

Metodoloxía

Orixinalidade

Adecuación formal

Resultados

Informe razoado

de de 20

Asdo.: